



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თელა



თელა

თელა (*Ulmus*), მერქნიან მცენარეთა გვარი თელისებრთა ოჯახისა. ფოთოლმცვივანი, ზოგჯერ მარადმწვანე (ტროპიკებსა და სუბტროპიკებში) ხეებია, იშვიათად ბუჩქები. 50-მდე სახეობა გავრცელებულია ჩრდ. ნახევარსფეროს ზომიერი ჰავის ზონაში, ნაწილობრივ – სუბტროპიკებისა და ტროპიკების მთებში. საქართველოში ბუნებრივად თ-ის 5 სახეობა იზრდება, მათგან ერთი – ქართული თ. (*U. georgica*) საქართვე. ვიწროლოკალური ენდემია; იზრდება შირაქის ხევებში, მეტად მშრალ და მეჩხერ ტყეში (არფადარის ხევხმელზე სულ 30-მდე ხეა).

საქართვე. ფოთლოვან ტყეებში შერეულია თელადუმა (თელამუში – *U. elliptica*), რ-იც აღწევს სუბალპ. სართყელს, და თელა „კარალაჯი“ (*U. minor*, *U. foliacea*), რ-იც გავრცელებულია მთის ტყეების შუა სართყელამდე. თ-ის მცირე კორომებიც კი ძალზე იშვიათია. სიმაღლე 30–40 მ აღწევს. აქვს კონებად შეკრებილი წვრილი მოკლევუნნიანი ყვავილები. ყვავილობს ადრე გაზაფხულზე, ნაყოფის მომწიფებისა და ჩამოცვენის შემდეგ გამოაქვს ფოთლის კვირტები. თ. ყინვაგამძლე და ჩრდილის ამტანია. ეტანება ნოყიერ და ტენიან ნიადაგს, თუმცა ბევრი გვალვასა და სუსტად დამლაშებულ ნიადაგსაც ეგუება. ცოცხლობს 200–400 წელს. მრავლდება თესლით, მცნობითა და ფესვის ნაბარტყით. უხვად იძლევა ძირკვის ამონაყარს, აქვს ღრმა და მძლავრი გვერდითი ფესვები და ქარი ვერ აქცევს. იყენებენ ბალ-პარკებისა და მინდორსაცავი ბოლების გასაშენებლად, ქუჩებისა და გზების გასამწვანებლად. თ. უძველესი კულტურაა. ცნობილია მისი მრავალი საბალე ფორმა. კარგად იტანს გაკაფვას.

მისი გამძლე და მაგარი, ძნელად საპობი მერქანი ძვირფასი საავეჯე მასალაა (განსაკუთრებით ლამაზი ნუჟრების გამო). ჩვენი თ-ების მასობრივი შეხმობა „ჰოლანდიური დაავადების" შედეგია, რ-იც გამოწვეულია სოკოთი (*Graphium ulmi*). ჩვენში გავრცელებული ყველა 5 სახეობა შეტანილია „საქართველოს წითელ ნუსხაში".

მ. სახოკია
